



Aningaasaqarnermut Naalakkersuisoq

Ulloq: 13. november 2018
J.nr.: 01.31.06/18-00824

Aningaasaqarnermut Akileraartarnermullu Ataatsimiititaliap pingasunngornermi ulloq 12. december 2018 aalajangiineranik Naalakkersuisunut ilisimatitsineq.

Tapertatut aningasaliiffigineqarnissamik qinnuteqaat 2018-imut Aningaasanut Inatsimmi konto pingaarneq 10.13.11-mut oqaasertaliussani kukkusimanerup naqqinneqarnissaa - Suliaq nr. 01.31.06/18 – 00824.

”Naalakkersuisut inassutigaa,

- 2018-imut tapertatut aningasaliissutissanut inatsisissatut siunnersuummi oqaasertat ilanngullugit nassiunneqartut ilanngunneqassasut uunga konto pingaarneq 10.13.11 Aktiaatileqatigifinnut aningaasanngorlugit aningaasartuutit 2018-imut aningaasanut inatsimmi konto pingaarnermut taaneqareersumut taartaasusaaq.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Oqaatsit akornanni naapertuutinngitsoqartoq paasigaangamikku Naalakkersuisut taakkuninnga aaqiisarnerat ataatsimiititaliamit pitsaasutut isigineqarpoq. Oqaatsilli akornanni taamak naapertuutinngitsoqartarneranik ajornartorsiutip alliaartorsorinarnera isumakulunnartikkamiuk oqaatigissallugu ataatsimiititaliaq pissutissaqarsorivoq. Tamanna aningaasanut inatsimuinnaq pinnani aammali inatsisissanik nalinginnaasumik suliaqarnermi siumorneqartarpoq. Oqaatsit akornanni naapertuutinngitsoqarnera inuiaqatigiit inatsisitigut inissisimanerannik nalornilersitsisarpoq, tamatumalu ajornerpaaffiani kingunerisinnaallugu inatsisip eqqartuussivimmit atorumaneqanngissinnaanera. Aningaasanut inatsimmut tunngatillugu ataatsimiititaliaq isumaqarpoq kalaallisuaa aalajangiisuutinneqartariaqartoq, taamaattumillu kalaallisuuata kukkuneqartarnerata akulikilligaluttuinnarnera isornartoqartinneqarpoq. Taamaattumillu inatsisiliornermut, tassungalu ilanngullugu aningaasanut inatsisiliornermut atatillugu atortussanik eqqortunik paatsuugassaannigitsunillu Inatsisartunut tunniussisarnissartik Naalakkersuisut annertunerusumik eqqumaffigissagaat ataatsimiititaliamit kaammattuutigineqarpoq.

Aningaasaqarnermut Akileraartarnermullu Ataatsimiititaliap aalajangiinera Siuliani allassimasunik oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Inussiarnersumik inuulluaqqusillunga

Karl Kristian Kruse

Aningaasaqarnermut Akileraartarnermullu Ataatsimiititaliap siulittaasua